

## **Kgoro ya Boeti Mananeo a Tlhabollo ya Bokgoni**

### **1. Lenaneo la Tlhahlo ya Tirelo ya Beine**

Lenaneo la Tlhahlo ya Tirelo ya Beine (*sommelier*) leo le fanago ka tlhahlo ya bafsa bao ba sa šomego go katološa dibaka tša mešomo ka lekaleng la kamogelabaeng le la boeti.

Mangwalo a thuto ao a filwego: Setifikeiti sa Lenaneo la Bokgoni, nepiša go baholegi ba bafsa bao ba sa šomego go botelele bja dikgwedi tše tshela. Tlhahlo e amogetšwe ke Setšo, Bokgabo, Boeti, Kamogelabaeng le Lekala la Dipapadi la Thuto, Bolaodi bja Tlhahlo (CATHSSETA) le Mokgatlo wa dikeletšo ka beine ka direstoranteng wa Afrika Borwa (SASA).

Ditekanyetšo tša kgetho ya baholegi ke tše di latelago:

- Bakgopedi ba swanetše go ba magareng ga mengwaga ye 18-35;
- Marematlou le o kgona go bolela Seisemane gabotse goba Mangwalo a Thuto a Boeti le Kamogelabaeng (fana ka dikhopi tše di netefaditšwego tša ditifikeiti);
- Khopi ya Pukwana ya Boitsebišo ye e netefaditšwego (Modudi wa Afrika Borwa);
- Bafsa bao ba sa šomego, go akaretša le batho bao ba golofetšego;
- Bohlatse bja bodulo, le ditifikeiti tše dingwe tša maleba;
- Baholegi ba amogela tefo ya letšatši ka letšatši ya R150;
- Baholegi bao ba ilego ba kgatha tema mananeong a go ithuta goba a bokgoni a Kgoro peleng, ba swanetše go ipolela ka lengwalong la tlhohleletšo.

Dipotšišo di ka romelwa go [skillsdevelopment@tourism.gov.za](mailto:skillsdevelopment@tourism.gov.za)

### **2. Lenaneo la Tlhahlo ya Baapei ba Kapeo ya Sefofošene**

Lenaneo la Tlhahlo ya Baapei la Kapeo ya Sefofošene, leo le fanago ka tlhahlo go bafsa bao ba sa šomego go katološa dibaka tša mešomo ka lekaleng la kamogelabaeng le boeti.

Lenaneo le le nepišitše go bafsa bao ba le go ka gare ga sefofošene ya tša boapei. E bopilwe ka diphešente tše 30 tša thuto ya molomo le diphešente tše 70 tša thuto ya tirišo.

Mangwalo a thuto ao a filwego: Lenaneo la bokgoni ke la botelele bja dikgwedi tše tshela gomme le nepišitšwe go bafsa bao ba sa šomego.

Ditekanyetšo tša kgetho ya baholegi ke tše di latelago:

- Bakgopedi ba swanetše go ba magareng ga mengwaga ye 18-35;
- Marematlou le o kgona go bolela Seisemane gabotse goba Mangwalo a Thuto a Boeti le Kamogelabaeng (fana ka dikhopi tše di netefaditšwego tša ditifikeiti;
- Khopi ya Pukwana ya Boitsebišo ye e netefaditšwego (Modudi wa Afrika Borwa);
- Bafsa bao ba sa šomego, go akaretša le batho bao ba golofetšego;
- Bohlatse bja bodulo, le ditifikeiti tše dingwe tša maleba;
- Baholegi ba amogela tefo ya letšatši ka letšatši ya R150.

Dipotšišo di ka romelwa go [skillsdevelopment@tourism.gov.za](mailto:skillsdevelopment@tourism.gov.za)

### **3. Lenaneo la Tlhahlo la Kgonthišetšo ya Boleng bja Polokego ya Dijo**

Lenaneo la Tlhahlo la Kgonthišetšo ya Boleng bja Polokego ya Dijo le fana ka tlhahlo go bafsa bao ba sa šomego go katološa dibaka tša mešomo ka lekaleng la go amogela baeng le boeti gomme le nepiša bafsa bao ba sa šomego.

Lenaneo le le nepišitše go bafsa bao ba le go ka gare ga profešenale ya boapei. E bopilwe ka diphesente tše 30 tša thuto ya molomo le diphesente tše 70 tša thuto ya tirišo.

Mangwalo a thuto ao a filwego: Lenaneo la bokgoni ke la botelele bja dikgwedi tše tshela gomme le nepišitšwe go baholegi ba bafsa bao ba sa šomego.

Ditekanyetšo tša kgetho ya baholegi

- Bakgopedi ba swanetše go ba magareng ga mengwaga ye 18-35;
- Marematlou le o kgona go bolela Seisemane gabotse goba Mangwalo a Thuto a Boeti le Kamogelabaeng (fana ka dikhopi tše di netefaditšwego tša ditifikeiti;
- Khopi ya Pukwana ya Boitsebišo ye e netefaditšwego (Modudi wa Afrika Borwa);
- Bafsa bao ba sa šomego, go akaretša le batho bao ba golofetšego;
- Bohlatse bja bodulo, le ditifikeiti tše dingwe tša maleba;
- Baholegi ba amogela tefo ya letšatši ka letšatši ya R150;

Dipotšišo di ka romelwa go [skillsdevelopment@tourism.gov.za](mailto:skillsdevelopment@tourism.gov.za)

### **4. Lenaneo la Tlhahlo ya Bafsa la Kamogelabaeng: Dijo le Dino**

Lenaneo la Dijo le Dino le fana ka tlhahlo go bafsa bao ba sa šomego go katološa dibaka tša mešomo ka lekaleng la kamogelabaeng le la boeti.

Lenaneo le le nepišitše go bafsa bao ba le go ka gare ga profešenale ya tša boapei. E bopilwe ka diphesente tše 30 tša thuto ya molomo le diphesente tše 70 tša thuto ya tirišo.

Mangwalo a thuto ao a filwego: Lenaneo la bokgoni ke la botelele bja dikgwedi tše tshela gomme le nepišitšwe go baholegi ba bafsa bao ba sa šomego.

Ditekanyetšo tša kgetho ya baholegi

- Bakgopedi ba swanetše go ba magareng ga mengwaga ye 18-35;
- Marematlou le go kgona go bolela Seisemane gabotse goba Mangwalo a Thuto a Boeti le Kamogelabaeng (fana ka dikhopi tše di netefaditšwego tša ditifikeiti);
- Khopi ya Pukwana ya Boitsebišo ye e netefaditšwego (Modudi wa Afrika Borwa);
- Bafsa bao ba sa šomego go akaretša batho bao ba golofetšego;
- Bohlatse bja bodulo, le ditifikeiti tše dingwe tša maleba;
- Baholegi ba amogela tefo ya letšatši ka letšatši ya R150;
- Baholegi bao ba ilego ba kgatha tema mananeong a go ithuta goba a bokgoni a Kgoro peleng, ba swanetše go ipolela ka lengwalong la tlhohleletšo.

Dipotšišo di ka romelwa go [skillsdevelopment@tourism.gov.za](mailto:skillsdevelopment@tourism.gov.za)

## **5. Lenaneo la Balebeledi ba tša Boeti**

Lenaneo la Balebeledi ba Boeti ke lenaneo la polokego leo le diragaditšwe ka fase ga tlhokomelo ya Lenaneo la Mešomo ya Setšhaba leo le Katološitšwego. Lenaneo le akaretša tlhahlo, boeletši le go romelwa ga bafsa bao ba sa šomego mafelong a go kgahliša a boeti le mafelong ao a hlaotšwego ka diprofenseng ka moka tše senyane. Maikemišetšo a magolo a lenaneo le a akaretša go matlafatša temošo ya polokego ya boeti mafelong a bohlokwa a go kgahliša le mafelong a bohlokwa a boeti, go oketša bokgoni bja bafsa bao ba sa šomego le go fokotša mafelo ao a lego kotsing a baeti.

Mafelo a bohlokwa a tshepedišo ya Balebeledi ba tša Boeti bao ba thwetšwego a akaretša eupša ga a lekanyetšwe go:

- hlapetša ka gare ga mafelo a go kgahliša le mafelo ao a hlaotšwego;
- šireletša dipese tša baeti le dikoloi;
- hlatloša temošo ya boeti le go fana ka tshedimošo go baeti;
- lemoša Tirelo ya Maphodisa a Afrika Borwa (SAPS) ka ditiragalo tša bosenyi tše di belaetšago (ditsebe le mahlo a SAPS);
- bega ditiragalo dife goba dife tša bosenyi go Tirelo ya Maphodisa a Afrika Borwa SAPS goba ditheo tše dingwe tša maleba tša phethagatšo;
- hlokomela bosenyi bjo bo ka amago baeti (go fa mohlala) go thopša ga dikoloi, bohodu bja dikoloi, go swara poo le go thuba;
- thuša ka thekgo ya batšwasehlabele ba boeti (moeti yo a lego tlalelong); le
- Go fana ka tshedimošo ya metheo ya boeti mabapi le mafelo a kgahlišago le naga.

Balebeledi ba tša Boeti ba hlahlwa ka mananeo a go fapafapana ao a amogetšwego a go amana le mabokgoni a go swana le Tlhahlo ya Baeti, Maphelo le Polokego ya Mošomong, Tlhokomelo ya Bareki, le Lenaneo la Mabokgoni a Polokego le Tšhireletšo leo le amogetšego ke Bolaodi bja Thuto le Tlhahlo ya Lekala la Tšhireletšo (SASSETA).

Lenaneo le le diragaditšwe ka dikgato tše tharo gomme ga bjale le mo kgatong ya boraro. Tlhahlo ya kgato ye e tla tsepama godimo ga Setifikeiti sa Bosetšhaba: Mekgwa ya Tšhireletšo ya Kakaretšo NQF Maemo a boraro ao a amogetšwego ke SASSETA.

Ditekanyetšo tša kgetho ya baholegi. Balebeledi ba Boeti ba swanetše go:

- ba modudi wa Afrika Borwa;
- be le ngwaga e 35 le ka fase ga moo gomme o kgona go bolela Seisemane gabotse;
- ba le setifikeiti sa mphato wa marematlou;
- ba le rekoto ya bosenyi ye e hlwekilego;
- dula ka gare ga mmasepala/ setšhaba sa selegae seo se hlomphegago kgauswi le lefelo la go bogega;
- ba kgauswi le bengmešomo ba baamogedi ba baeng le lefelo la tlhahlo (le fihlelelwago ka dinamelwa tša bohle);
- sego go feta moholegi o tee (1) ka lapeng;
- Mananeo a tlhahlo a nepištšwe kudu go bafsa; le ge go le bjalo, lenaneo le ka kgona go amogela fela diphesente tše pedi 2% tša baholegi ba mengwaga ya ka godimo ga ye 35;
- moo go nago le palo ye e sa lekanego ya basadi goba bafsa, banna bao ba fihlelelago dikelo ba tla akaretšwa bakeng sa go tšea karolo lenaneong;
- go swanetše go etiša pele baholegi bao ba sego ba tšea karolo diprotšekeng dife goba dife tšeo di thekgwago ke ditšhelete ke EPWP/ tša dikgoro mo mengwageng ye mebedi ya go feta;
- baholegi bao ba phethilego bonnyane bja Mphato wa marematlou ba swanetše go lebelelwa bakeng sa tlhahlo ya mangwalo a thuto goba a thuto ya NQF 2 go ya godimo le
- go kgethwa go tšwa go ye nngwe ya magoro ao a latelago:
- Batho bao ba sa šomego ba mphato wa marematlou bao ba ithutilego dithuto tše di amanago le maeto, boeti le kamogelabaeng mphatong wa marematlou.
- Batho bao ba fokoditšwego mošomong intastering ya boeti gomme ga bjale ba sa šome (go tekano ya ngwaga); le
- Dialoga tšeo di amanago le tša boeti tšeo di sa šomego

Kgoro e ntšha tefo ya thušo ya ditšhelete (R200 ka letšatši X matšatši a 23) go ya ka Boikemišetšo bja Lekala No.5 bja Boithuti bjo bo ntšhitšwego ke Kgoro ya Bašomi; go fana ka thušo ya ditšhelete ya didirišwa tša tšhireletšo ya motho ka noši; le go fana ka seteišene sa mošomo (go fa mohlala) *Gazebo*, moo go nago le tlhokego.

Dipotšišo di ka romelwa go [jmatlala@tourism.gov.za](mailto:jmatlala@tourism.gov.za)

## **6. Tlhahlo ya Mohlahli wa tša Baeti**

Tlhahlo ya baeti ke karolo ye bohlokwa ya ketane ya boleng bja boeti ka ge e kgatha tema ye bohlokwa go hlohleng seswantšho se sebotse sa naga ya rena.

Mo Afrika Borwa, go hlahla baeti ke profeshene ye e laolwago ke melao le dipholisi tša bosetšhaba. Motho ofe goba ofe yo a ratago go ba mohlhali wa baeti o swanetše go dira tlhahlo bjalo ka karolo ya mangwalo a thuto a semmušo, ao a ngwadišitšwego ke Bolaodi bja Mangwalo a Thuto bja Afrika Borwa (SAQA). Ge a tšewa a na le bokgoni, motho yo bjalo o tla amogela setifikeiti seo se ntšhitšwego ke Bolaodi bja Thuto le Tlhahlo ya Lekala la Setšo, Bokgabo, Kamogelabaeng le Dipapadi (CATHSSETA) goba setheo sefe goba sefe se sengwe seo se amogetšwego. Ke moka nkgetheng yo a atlegilego o swanetše go dira kgopelo go Mongwadiši wa Profense wa maleba gore a ngwadišwe gore e šome ka molao.

Tema le mošomo wa mohlhali ke go rulaganya, go tsebiša le go thabiša. Bahlhali ba bantši ba šoma bjalo ka borakotraka bao ba ikemetšego ba hwetšago di tefelo metheong ya mošomo o mongwe le o mongwe e bile ba šoma ka go ikemela gomme gantši ba šoma ka dinako tša sehla le ka diiri tše di arogilego. Mošomo gantši o hwetšwa ka go ikgokaganya thwii le bao ba šomago ka maeto le ditheo tše dingwe gomme ka fao, bahlhali ba swanetše go ikemela gomme ba kgone go ipapatša.

Kgoro e be e dutše e thekga ka ditšhelete mananeo a go oketša bokgoni bja bahlhali ba baeti bao ba lego gona ka nepo ya go kaonafatša ditirelo tše di fiwago ke bahlhali ba baeti gammogo le Mananeo a Tlhahlo ya Bahlhali ba tša Baeti go bao ba sa tšwago go tsena bao ba ratago go phegelela mešomo ya go hlahla baeti. Mananeo gantši a diragaditšwe maamong a profense gomme a bapatšwa ka dikuranta tša setšhaba sa selegae. Tlhahlo ye gantši e theilwe godimo ga dinyakwa gomme e ikemišeditše go rarolla tlhaelelo ya mabokgoni ka gare ga lekala. Ka fao, dikelo tša kgetho ya baholegi di a fapana gomme di ithekgile ka mohuta wa tsenogare ya tlhahlo.

Dipotšišo di ka romelwa go: [TGtraining@tourism.gov.za](mailto:TGtraining@tourism.gov.za)

## **7. Temogo ya Thuto ya Pele (ARPL) Bakeng sa Baapei**

Temogo ya Modiri wa Diatla ya Thuto ya Pele (ARPL) lenaneo le le ikemišeditše go lemoga thuto ya pele ya Baapei e le gore ba hwetše mangwalo a thuto a semmušo (mangwalo a thuto a mošomo - SAQA ID 101697).

Maikemišetšo a lenaneo ke go tšea baithuti ka tshepedišo ya RPL go hwetša mangwalo a thuto a boapei NQF Maemo a bohlano le go kgethwa ga profešenale. Nepo e go baapei bao ba thwetšwego bao ba nago le bokgoni le maitemogelo eupša ba se na mangwalo a thuto.

Ditekanyetšo tša go Thwala

- Mengwaga ye 19 le go feta
- O be modudi wa Afrika Borwa
- Bonyane bja mengwaga ye 3 ya boitemogelo bja intasteri, go šoma bjalo ka moapei ka tshepedišong ya tatelano ya maemo ka khitšhing
- Seisimane (go bala le go ngwala)
- Go rata dijo ka mo go sa felego, bokgoni bja go šoma ka thata, go šetša ditaba ka botlalo.

## **8. Lenaneo la maitemogelo mošomong**

Kgoro e na le lenaneo la maitemogelo mošomong go thekga dialoga tllhabollong ya maitemogelo le bokgoni bjo bo theilwego mošomong go kaonafatša bokgoni bja bona bja go hwetša mešomo ka mmarakeng wa bašomi ka kakaretšo. Lenaneo le la kgoro le nyaka go utolla bao ba thwetšwego ba ithutelago mošomo tikologong ya mošomo ye e šomago gore ba hwetše bokgoni ka go ithuta le maitemogelo ao a theilwego mošomong.

Tshepetšo ya Kgopelo ya Lenaneo la maitemogelo mošomong

- Dipapatšo ka dikuranta tša bosetšhaba, wepsaete ya kgoro ([www.tourism.gov.za](http://www.tourism.gov.za)) le dibaka tša dikgokaganyo tša leago.
- Kgopelo ya go tšea karolo lenaneong la maitemogelo mošomong e swanetše go akaretša:
- Lengwalo la kgopelo
- Foromo ya Z83 ya kgopelo ya mošomo e hwetšagala mo wepsaeteng ya kgoro
- Taodišophelo
- Rekoto ya thuto ye e netefaditšwego le dikhopi tše di netefaditšwego tša mangwalo a thuto
- Dikhopi tše di netefaditšwego tša Pukwana ya boitsebišo.

## **9. Dipasari**

Kgoro e ka fa dipasari tša nakwana goba tša nako e tletšego go leba phihlelelo ya mangwalo a thuto go maloko a setšhaba ao a nago le maswanedi a ka fase ga

mengwaga ye 35. Se se šoma bjalo ka mokgwa wa go hwetša molokoloko wa talente ka bokgoni bjoo Kgoro e bo bonago bo hlaelela goba bo le bohlokwa.

Ditshepetšo tša Kgopelo ya Pasari:

- Kgoro e bapatša dibaka tša dipasari ka dikuranta tša bosetšhaba, mo wepsaeteng ya Kgoro ([www.tourism.gov.za](http://www.tourism.gov.za)) le dibaka tša dikgokaganyo ya leago.
- Bakgopedi ba swanetše go tlatša foromo ya kgopelo ya pasari ya Kgoro, ba kgomaretše dikhopi tše di netefaditšwego tša mangwalo a thuto, direkhoto tša bjale tša thuto, Pukwana ya boitsebišo, bohlatse bja ngwadišo setheong sa thuto ya godimo, bohlatse bja letseno la mohlakomedi le lengwalo la tlhohleletšo.
- Diforomo tša kgopelo di swanetše go romelwa ka poso goba go išwa ka seatla.
- Diforomo tša kgopelo ga se tša swanela go romelwa ka fekeše goba imeile.
- Diforomo tša kgopelo di hwetšagala go [www.tourism.gov.za](http://www.tourism.gov.za) goba go Tafola ya Kamogelo ya Kgoro ya Boeti.

Ngwalelano e lekanyeditšwe go bonkgetheng bao ba atlegilego fela.

Dipotšišo ka moka di ka romelwa go:

KGORO YA BOETI

Senthara ya Megala: 012 444 6730/6621 | Imeile [callcentre@tourism.gov.za](mailto:callcentre@tourism.gov.za)

Kantoro ya Bosetšhaba: 012 444 6000

Atrese ya Bodulo: Tourism House, 17 Trevenna Street, Sunnyside

Atrese ya Poso: Private Bag X424, PRETORIA, 0001

Wepsaete: [www.tourism.gov.za](http://www.tourism.gov.za)